

江蘇府縣志輯

中國地方志集成

再續高郵州志

三續高郵州志

高郵志餘

高郵志餘補

中國地方志集成

江蘇府縣志輯 ④7

光緒再續高郵州志

民國三續高郵州志

高郵志餘

高郵志餘補

江蘇古籍出版社 ● 上海書店 ● 巴蜀書社

范一辛

大惠興

江蘇府縣志輯④⑦

(南京中央路一六五號)


新華書店

上海發行所

一元



光緒再續高郵州志



(清) (清)

金元烺
龔定瀛
夏子錫

纂修

本書八卷首一卷，據清光緒九年
(二八八三)刻本影印。

再續高郵州志序

新修高郵志書成詳審檢閱乃歎身爲民牧者其慎矣乎一邑也士風民俗水旱災祥孰爲民利孰爲民害有寤寐思維幾廢寢食而不能得其確然之故者識至矣而心或不堅心誠矣而力或不足則所以興利除害者可以酬之目前而不能垂之久遠蓋政理若是之難也矧各邑志書所以稽民風之厚薄亦以辨吏治之是非某事利民某官興之某事病民某官倡之後之修纂志書者皆直筆而不能爲之諱甚矣吏治之不能以自欺欺民也瀛年甫弱冠卽投筆從

再續高郵州志

序

一

戎前統領老湘軍王壯武公統領湘果軍蕭壯果公先後邀瀛至軍中隨勦川楚有年恆以不惜勞苦不愛一錢自勵嗣以

曾沅浦宮保進軍金陵奉調隨營凱撤後委辦外江水師糧臺其時戰艇星布鄂渚豫章江皖等省源源籌濟勾稽出入不敢毫釐或苟

曾文正公知其廉

彭雪琴宮保亦以潔已奉公爲當道稱說經前任督憲委大通掣驗引鹽其時爲鹺政蠹者有著名會匪吳老文奉憲密拿瀛深夜易服率健卒擒之由是害

除此數十年中雖未膺民社然在軍在委無日不以拯救民生爲念是瀛之本志也已卯代理鹽城縣事清釐積案數百件有劣紳武斷鄉曲者莫敢誰何瀛立捕治之猥以實心任事見許於

沈文肅公壬午春今

督憲左侯相調署郵篆瀛才識疏淺自問未克仔肩

蒞任後連年水潦兢兢以大憲重民食恤民命爲心惟郵邑面江背淮田皆下澤民貧則補救事多地薄則籌貲力歛廣行善政較他邑倍難瀛於事弛者興之費絀者充之而尤以昇託得人爲重凡已行諸務

再續高郵州志

序

二

皆通稟立案採附志書各門其是與非不敢自知亦俟後之人論定焉耳志書倡修於前金牧調卿稿未成瀛蒞任又復續成之其紀載因革則詳於凡例云光緒九年歲在癸未仲秋月花翎同知銜江蘇候補縣知高郵州事湘鄉龔定瀛謹序

再續高郵州志序

古今世運有常變續志書者亦志其變而已若其常則前志已詳之古聖賢濟變之學必當乎其時所值之時運不同而事亦各異志書雖一邑記載亦貴當乎其時也續志修於道光壬寅迄今又三十餘年而世運亦迥乎其異矣其最大者曰軍政曰水利曰士習曰民風壬寅歲西國初破京口郵邑近在二百里其時湘鄉左青時太守權篆茲土練兵團勇自夏徂秋僅三閱月耳至咸豐間粵逆竄揚州郵邑雖未遭蹂躪然陸營舟師防兵雜沓徧於四境加以義民團練籌外餉嚴內防士民勞瘁者且十餘年此軍政之一變也水利之源在於淮道光以前黃淮交匯郵邑患潦之歲多至咸豐年黃河北遷千里之內少一大浸淮流雖未復故道然地脈之疏通支川之分洩必有暗減其流者故郵邑近十餘年中每遇時雨愆期憂旱之歲且半於憂水是欲講求水利者更須旱潦兼權矣此水利之一變也至於士習民風此天下之大運郵邑國初諸賢達乘一時運會之隆道德文章經濟人才既多志氣又復加尙觀摩砥礪其能信今傳後者指不勝屈直至嘉道間流風餘韻相傳不

再續高郵州志

序

一

隆迄咸豐軍警江南士子停試者近十年其間聰明

俊偉之才由此荒廢者不少加以近年童試取之如拾芥幼時根柢不深故其致遠也較難此士風之當加振作者也若夫民俗郵邑昔稱貧瘠近年洋煙流毒中國計一邑所費歲約五六十萬緡故貧者愈貧邑以稼穡爲本源其所生樸且嗇者也樸且嗇之俗而欲以華且奢者敝之安在其能持久也此民風之今不如古者也爲郵人亟欲指塞迷途而力返之以適於蕩蕩平平之路何敢執筆粉飾僅錄其區區瑣事茲纂輯中不能無所寄意焉古有云變而之

再續高郵州志

序

二

道者謂之治變而之邪者謂之亂志書者記其變亦欲使覽者返其變之不正以歸於正也學識淺陋妄膺纂輯之任舛漏必多雖經諸同人直諒時時糾正然終覺慊心之難也光緒九年歲在癸未季秋月翰林院編修前四川提督學政夏子錫敘

再續高郵州志纂葺姓名

初修

欽加運同銜候補直隸州知州前署高郵州知州 金元娘 浙江嘉善

總修

欽加同知銜候補同知直隸州署高郵州知州 龔定瀛 湖南湘鄉

同修

高郵州學正 蔣萼 宜興

高郵州訓導 周圭 長洲

總纂

前四川學政翰林院編修 夏子錫 本邑

再續高郵州志 纂修姓氏 一

同纂

翰林院檢討 楊際春

翰林院庶吉士 楊福臻

舉人 高蓉鏡

舉人 吳杞林

舉人 陳仁壽

舉人 汪芬

歲貢 吳慶鴻

附貢生山西直隸州州判 賈引賢

附貢生中書科中書銜 王寅

分纂

翰林院編修 吳同甲

進士 王壽培

舉人 張喬森

舉人 董桂馨

舉人 李佩洵

舉人 王用楨

舉人 吳玉堂

舉人 周子英

舉人 候選知縣 邱逢源

再續高郵州志 纂修姓氏 二

舉人 茹彥良

舉人 高子駿

恩貢生候選直隸州州判 汪恒

採訪

拔貢 徐煥元

恩貢 卞汝霖

歲貢 萬山松

歲貢 談人標

歲貢 王藜

歲貢 生印祉

廩	貢	生	王寅炳
廩		生	汪嘉言
廩		生	吳雲程
廩		生	高泰鏡
附		生	陳達
附		生	楊藜
附		生	居奭
增		生	楊芾
附		生	高樹嘉
附		生	賈振書
再續高郵州志			
纂修姓氏			
附	監生挑取	錄	夏銘孫
廩		生	王士濂
附		生	賈承誥
附		生	高承志
貢		生	夏崇術
監		生	車輿
督刊			
監		生	侯長壽
監		生	李連茹
監		生	侯齡壽

州	同	衙	田廷佐	丹徒
職		員	王士堅	本邑
再續高郵州志				
纂修姓氏				
六				

再續高郵州志目錄

卷首

天章

恩綸

卷一

輿地志

輿圖

新建官署圖 長湖船塢圖

建置

城池 公署 書院 育嬰堂 牛痘局
義倉 社倉 養濟院 碑石 壇壝
祠宇 神廟 佛寺 惜字社 橋梁
古蹟 坊表 宅第 墓域

卷二

再續高郵州志目錄

河渠志

運河東西隄 啟壩定誌 四壩 腫洞

民賦志

戶口 風俗

典禮志

祀典

軍政志

漕運 兵防 巡湖砲船

學校志

規制 學額 學租

卷三

秩官志

文職 武職 宦蹟

選舉志

徵辟 科甲 五貢 保舉
援例 軍功 武科甲 行伍
封蔭 蔭卹

卷四

人物志

列傳 忠烈 孝友 政事
文苑 篤行 義行 方技
流寓 方外

卷五

人物志

節婦 烈婦 殉難 貞女
孝女 孝婦

卷六

藝文志

記序 傳啟
議文 詩詞
書目

卷七

善舉志

義賑 義學 恤養會 立貞堂
義塾 同善會 水龍局 紅船
粥廠 船塢 一文愿 當牛局 善堂

再續高郵州志目錄

災祥志

軼事志

卷八

禁革志

再續高郵州志

凡例

一志書通例州縣志詳於府志府志詳於省志概難從同今新刊府志又修於州志之前其採訪遺漏者既應詳補其採訪失實者亦應從刪不得瞻徇府志成書反致詳畧失當

一再續志書專修道光二十三年以後事一切事蹟人物當以此三十餘年爲限公事稽諸案牘至於人物凡道光二十三年以前續修志書所不載者當時秉筆必經斟酌去取或其人彰彰

再續高郵州志

凡例

一

猶在人耳目實係前志遺漏者方可補載餘不得越年濫纂

一道光續修志書立孝友傳獨行傳不立篤行傳茲則擇孝弟卓越者纂入孝友傳其循分孝友則仍立篤行傳至獨行之名實難其人今不立傳

一各傳俱經採訪慎擇不敢濫登然揆諸後人欲闡揚其祖父之情仍嫌少礙茲於篤行志別增後記類列數十人大半皆安分老諸生其善舉志亦增後記所列諸人皆邑中公事出力者其

於書體無乖亦以示善善從寬之意

一宦蹟傳向止採例設官員茲則自咸豐軍興以來郵邑客兵駐防有至十餘年者將弁賢勞間亦附入

一軍務肅清後人物志內殉節姓氏甚多今將已列府志者爲一類其補府志未採者爲一類非以示區別卽後日續修府志已採未採一目了然

一子孫

誥封先代雖係異途援例亦是

再續高郵州志

凡例

二

覃恩大典惟纂入志書俱以各家呈出誥軸爲憑其未呈驗者亦不便以空言纂入

一繪圖凡新設衙署及續增長湖船塢皆爲補圖若係舊制重修者前志皆有圖可考茲不再贅一宅第墓域凡有子孫承守者皆不載以其未至湮沒無聞且志書更不同家乘

一地方病民及不遵舊制之事既經立案禁革者散附則無類可稽今特彙錄一卷立禁革志

再續高郵州志卷首

天章

高宗純皇帝御製淮源記

今歲豫旱於春夏荆歙旱於夏秋因循淮水弱而清口淤既而豫得雨於夏末則更黃水盛而清口有倒灌之患其間晝夜卜度往來疇咨蓋不可屈指數矣今歲春夏以來東南雨澤愆期淮水微弱以致清口淤淺無錫一帶河乾涸糧船挽運維艱河漕諸臣辦理竭蹶再四馳詢旋命大學士阿桂前往會勘並諭引黃水以送今歲重運及回空之船蓄清水以俟明春開放濟運北上晝夜因思淮之弱必其源之微或懸崖申論不避辭多矣因思淮之弱必其源之微或有沙石壅塞以致遏其流乎其時撫臣畢沅以辦理

再續高郵州志

卷首天章

一

賑恤事宜不能分身往則命布政使江蘭往致禱淮瀆祠且相其源之形勢既而江蘭奏淮瀆故有祠更有禹廟並得三大井於禹廟東引歸正河遂成具川因具圖貼說呈覽江蘭奏查勘淮源至桐柏山下據因履勘至廟東里許沙土壅起微露石基址試挖至三尺許有三大泉湧出當即淘濬引歸河身下流旋即加長復沿流下勘至信陽正陽等州縣抵江南北境長五百八十里寬二三十丈深三四尺不等與一統志稱淮水伏流數里湧起三泉濬為井之語相合云云朕批摺云按其圖上疑更有源汝何未至其處並於圖中點出更馳朕觀其圖溪礪縈繆山林深秀所謂三泉者未必即真源也其時賑恤章程已定迺命撫臣畢沅親往以窮其實茲畢沅親至胎簪

山山頂遂得真淮源具圖以來據畢沅奏胎簪山乃

南上約十六七里見水一泓土人指為淮水之源稱曰淮池恐初源尚不在此因延緣細徑而上道路益險十餘里始至山頂有大石盤陀廣十餘畝石旁凹處成潭徑丈許泉從石間出深尺餘遂傍從人汲乾積水旋涸旋盈其為淮於是導淮自桐柏之言始信

蓋胎簪即桐柏之中峰桑欽水經非誣也鄧道元注以為淮澧同源西流為澧東流為淮則今之分水嶺實在胎簪峰下按圖可求淮澧分流此又一證也夫天下之理豈易窮哉若據江蘭之奏定三井為淮源則胎簪之真源湮矣然弗湮也桑欽鄧道元之語固在也今偶湮之而後世必有執水經注以笑我君臣

再續高郵州志

卷首天章

二

之不讀書矣茲不惟喜瀆源之得真更以佳古人之用心勤而千載之下必有相知之人也江蘭向在部中為能馳馬耐辛苦之能員是以屢陞用之今職而於登峰造極跋涉以求得真源乃讓身軀孱弱佔畢之儒臣斯則在立心之堅定與不堅定及讀書與不讀書之分耳既記其顛末並以嘉畢沅也沅其勉之恭按淮水下游之患莫大於淮揚其尤受害者莫大於高郵一州郵境湖水盛漲時寬闊將及百里皆淮水之會歸也欲治其委者必溯其源謹錄

高宗純皇帝御製淮源記於

天章門俾郵邑人知淮水之有源也

再續高郵州志

卷首天章

三

恩綸 科貢

道光二十五年恭逢

行會試

咸豐元年恭逢

文宗顯皇帝登極覃恩舉行鄉試明年舉行會試

咸豐十年恭逢

萬壽覃恩於九年十月借浙省貢院舉行鄉試十年舉

行會試

同治元年恭逢

再續高郵州志

卷首恩綸志

科貢

四

穆宗毅皇帝登極覃恩舉行鄉試明年舉行會試江南

於同治九年正科並補行鄉試

光緒元年恭逢

皇上登極覃恩舉行鄉試推廣中額三十名明年舉

行會試

道光二十五年

皇太后萬壽恩詔以正貢作恩貢以次貢作歲貢

咸豐元年

文宗顯皇帝登極恩詔以正貢作恩貢以次貢作歲貢

咸豐五年

恩詔以正貢作恩貢以次貢作歲貢

咸豐十年

萬壽恩詔以正貢作恩貢以次貢作歲貢

同治元年

穆宗毅皇帝登極恩詔以正貢作恩貢以次貢作歲貢

同治五年

恩詔以正貢作恩貢以次貢作歲貢

同治十二年

恩詔以正貢作恩貢以次貢作歲貢

光緒元年

再續高郵州志 卷首恩綸志 科貢 五

皇上登極恩詔以正貢作恩貢以次貢作歲貢

光緒五年

恩詔以正貢作恩貢以次貢作歲貢

光緒七年

孝貞顯皇后升祔

太廟恩詔以正貢作恩貢以次貢作歲貢

恩綸 賞資

道光二十五年恭逢

皇太后七旬萬壽恩詔賞資軍民年七十以上者許一

丁侍養免其雜派差役八十以上者給予九品頂戴

九十以上者給予八品頂戴百歲至一百二十歲以

上者均仍題明旌表給與建坊銀兩

道光三十年欽奉

文宗顯皇帝登極恩詔賞資軍民七十以上者許一丁

侍養免其雜派差役八十以上者給予九品頂戴九

十以上者給予八品頂戴百歲以上者給予七品頂

再續高郵州志 卷首恩綸志 賞資 六

戴一百二十歲以上者給予六品頂戴仍給予建坊

銀兩

咸豐二年恭逢

宣宗成皇帝升祔

太廟恩詔賞資軍民年七十以上者許一丁侍養免其

雜派差役

咸豐十年恭逢

萬壽恩詔賞資軍民年七十以上者許一丁侍養免其

差役八十以上者給與絹一疋棉一觔米一擔肉十

觔九十以上者倍之至百歲者題明旌表

同治元年欽奉

穆宗毅皇帝登極恩詔賞資軍民七十以上者許一丁侍養免其差役八十以上者給予九品頂戴九十以上者給予八品頂戴百歲以上者給予七品頂戴一百二十歲者給予六品頂戴百歲至一百二十歲仍准題明旌表並給建坊銀兩緞疋

同治五年恭逢

文宗顯皇帝升祔

太廟恩詔賞資軍民七十以上者許一丁侍養免其雜派差役

再續高郵州志

卷首恩綸志

賞資

七

同治十二年恭逢

穆宗毅皇帝親政恩詔賞資軍民七十以上者許一丁侍養免其雜派差役

光緒元年恭逢

皇上登極恩詔賞資軍民七十以上者許一丁侍養免其雜派差役八十以上者給予九品頂戴九十以上者給予八品頂戴百歲以上者給予七品頂戴一百二十歲以上者給予六品頂戴百歲至一百二十歲均仍給予建坊銀兩

光緒五年恭逢

穆宗毅皇帝升祔

太廟恩詔賞資軍民年七十以上者許一丁侍養免其雜派差役

光緒七年恭逢

孝貞顯皇后升祔

太廟恩詔各省養濟院所有鰥寡孤獨及殘疾無告之人有司留心養贍窮民無力營葬並無親族收瘞者地方官擇地多設義塚掩埋毋使暴露

再續高郵州志

卷首恩綸志

賞資

八

恩綸 水利

嘉慶九年八月總督陳大文總河吳璥等以啟
壩後形勢具奏奉

上諭本年洪湖及運河水勢疊長該督等將各隄工加
高趕鑲並將南關等五壩及山盱五滾壩酌量啟放
以資減洩其高郵附近壩下低窪地畝間有被淹雖
據稱勘不成災仍當再加確勘如有應行施恩之處
卽據實奏請勿稍諱飾

嘉慶十三年閏五月總督鐵保總河徐端等以
洪湖水勢甚漲慎守高郵南關車邏等壩具奏
再續高郵州志 卷首恩綸志 水利 九
奉

命軍機大臣傳諭洪澤湖水勢驟漲高堰誌椿已存水
一丈六尺六寸隄工岌岌可危自應酌量啟放俾資
減洩鐵保等飭令道廳將信壩啟放一面將下游開
河趕爲啟放俾減洩之水循序歸江祇可如此辦理
但此不過權宜一時之計洪湖之水總宜預籌蓄
庶遇黃水盛漲之時力足抵禦免致倒灌頂阻兼可
馭淤濟運豈容過爲宣洩至山盱各壩均須加意慎
守一經啟放於下游民舍田廬不無關礙此時初交
伏汎水勢長發無定正當宣防喫緊之時鐵保等惟

應督率在工各員實力守護以期隄工穩固河湖順
軌安瀾方爲妥善

是年六月總督鐵保總河徐端副總河那彥成
又以開放智字壩以資宣洩具奏奉

命軍機大臣傳諭信智二壩先後啟放所以保護全隄
而下游淹浸已多民田廬舍處處受傷殊堪軫念著
鐵保等派員分投往查據實詳勘將應行撫卹蠲緩
者分別辦理奏聞不可稍存諱飾

是月又以查得余家壩地方可資宣洩具奏奉
命軍機大臣傳諭洪澤湖自皖省蛟水陡發異常盛漲
再續高郵州志 卷首恩綸志 水利 十

高堰誌椿長至一丈九尺爲從來所未有前經鐵保
等節次奏報朕念及高堰隄工關係淮揚保障朝夕
齋心默禱以期漲水漸消今於萬分危急之際由運
河南隄漫開下注水勢頓消淮揚數百萬生靈得以
保全實爲不幸中之幸其下游被水處所仍遵昨旨
派員分赴查勘如有應行撫卹蠲緩之處卽著據實
奏聞

嘉慶十五年九月總河徐端以寶應汎廟灣王
家莊地方漫水具奏奉

命軍機大臣傳諭徐端有督辦海口事宜著松筠駐紮